



**SHERIA YA KUTOZA KODI NA KUBADILISHA BAADHI YA KODI NA TOZO NA
KUREKEBISHA BAADHI YA SHERIA ZINAZOHUSIANA NA UKUSANYAJI
NA UDHIBITI WA MAPATO YA UMMA NA MAMBO MENGINE
YANAYOHUSIANA NA HAYO**

MPANGILIO WA VIFUNGU

VIFUNGU

MAELEZO

**SEHEMU YA KWANZA
MASHARTI YA AWALI**

1. Jina fupi na kuanza kutumika.
2. Marekebisho ya sheria mbali mbali.

**SEHEMU YA PILI
MAREKEBISHO YA SHERIA YA USIMAMIZI NA UTARATIBU WA KODI,
NAM. 7 YA 2009**

3. Kusomwa.
4. Marekebisho ya kifungu cha 8.
5. Marekebisho ya kifungu cha 9.
6. Marekebisho ya kifungu cha 23.
7. Marekebisho ya kifungu cha 31.
8. Marekebisho ya kifungu cha 41.
9. Marekebisho ya kifungu cha 62A.

**SEHEMU YA TATU
MAREKEBISHO YA SHERIA YA KODI YA ONGEZEKO
LA THAMANI, NAM. 4 YA 1998**

10. Kusomwa.
11. Marekebisho ya kifungu cha 16.



**SEHEMU YA NNE
MAREKEBISHO YA SHERIA YA USHURU WA STEMPU,
NAM. 7 YA 2017**

12. Kusomwa.
13. Marekebisho ya kifungu cha 65.
14. Marekebisho ya kifungu cha 77.

**SEHEMU YA TANO
MAREKEBISHO YA SHERIA YA USHURU WA HOTELI,
NAM. 1 YA 1995**

15. Kusomwa.
16. Marekebisho ya kifungu cha 3.

**SEHEMU YA SITA
MAREKEBISHO YA SHERIA YA USHURU WA BIDHAA,
NAM. 8 YA 2017**

17. Kusomwa.
18. Kufuta na kuweka badala yake kifungu kipyua cha 18.

**SEHEMU YA SABA
SHERIA YA MAFUNZO YA AMALI, NAM. 8 YA 2006**

19. Kusomwa.
20. Marekebisho ya kifungu cha 27.

**SEHEMU YA NANE
MAREKEBISHO YA SHERIA YA FEDHA (USIMAMIZI WA
MAPATO YA UMMA), NAM. 9 YA 2015**

21. Kusomwa.
22. Marekebisho ya kifungu cha 20A



**SEHEMU YA TISA
MAREKEBISHO YA SHERIA YA UWEKEZAJI ZANZIBAR,
NAM. 10 YA 2023**

23. Kusomwa.
24. Kuongeza kifungu kipya cha 26A.

**SEHEMU YA KUMI
MAREKEBISHO YA SHERIA YA AJIRA,
NAM. 11 YA 2005**

25. Kusomwa.
26. Marekebisho ya kifungu cha 83.



SHERIA NAM. 2 YA 2026

NIMESAINI



**{DKT. HUSSEIN ALI MWINYI}
RAIS WA ZANZIBAR NA MWENYEKITI
WA BARAZA LA MAPINDUZI**

.....**27/06/**....., 2026

**SHERIA YA KUTOZA KODI NA KUBADILISHA BAADHI YA KODI NA TOZO NA
KUREKEBISHA BAADHI YA SHERIA ZINAZOHUSIANA NA UKUSANYAJI
NA UDHIBITI WA MAPATO YA UMMA NA MAMBO MENGINE
YANAYOHUSIANA NA HAYO**

IMETUNGWA na Baraza la Wawakilishi la Zanzibar.

**SEHEMU YA KWANZA
MASHARTI YA AWALI**

Jina fupi
na kuanza
kutumika.

1. Sheria hii itajulikana kama Sheria ya Fedha (Usimamizi wa Mapato ya Umma), 2026 na itanza kutumika mara baada ya kutiwa saini na Rais.

Marekebisho
ya sheria
mbali mbali.

2. Sheria zilizotajwa katika sehemu mbali mbali za Sheria hii zinarekebishwa kwa namna zinavyoelezwa katika sehemu husika.

**SEHEMU YA PILI
MAREKEBISHO YA SHERIA YA USIMAMIZI NA
UTARATIBU WA KODI, NAM. 7 YA 2009**

Kusomwa.

3. Sehemu hii itasomwa pamoja na Sheria ya Usimamizi na Utaratibu wa Kodi, Nam. 7 ya 2009, ambayo katika sehemu hii itajulikana kama “Sheria Mama”.

Marekebisho
ya kifungu
cha 8.

4. Kifungu cha 8 cha Sheria Mama kinarekebishwa katika kifungu kidogo cha (2) kwa kufuta maneno “nyaraka zilizotajwa chini ya kifungu cha 6 cha Sheria hii” na kuweka badala yake maneno “uthibitisho wa utambulisho”.



Marekebisho
ya kifungu
cha 9.

5. Kifungu cha 9 cha Sheria Mama kinarekebishwa kwa kufuta kifungu kidogo cha (3) na kuweka badala yake kifungu kidogo kipya cha (3) kama ifuatavyo:

“(3) Cheti cha usajili au nambari ya usajili wa kodi iliyotolewa chini ya Sheria hii itapaswa kuoneshwa muda wote pahali itakapoonekana ikiwa ni eneo halisi au la kidijitali katika eneo la biashara la mlipakodi.”

Marekebisho
ya kifungu
cha 23.

6. Kifungu cha 23 cha Sheria Mama kinarekebishwa katika kifungu kidogo cha (7) kwa kuingiza maneno “isiyopungua Shilingi Laki Mbili na isiyozidi” kabla ya maneno “ya” na “milioni mbili”.

Marekebisho
ya kifungu
cha 31.

7. Kifungu cha 31 cha Sheria Mama kinarekebishwa kwa kuongeza vifungu vidogo vipya vya (3) na (4) mara baada ya kifungu kidogo cha (2) kama ifuatavyo:

“(3) Mlipakodi anaweza, kwa maandishi, kuomba kwa Kamishna Mkuu kuongezewa muda wa kulipa kodi chini ya sheria yoyote ya kodi.

(4) Kamishna Mkuu anaweza, baada ya kupokea maombi na endapo ataridhika kuwa kuongeza muda ni muhimu kutokana na kutokuwepo kwa mlipakodi Zanzibar, maradhi au sababu nyengine za msingi, kuongeza tarehe ambayo kodi au sehemu ya kodi inapaswa kulipwa.”

Marekebisho
ya kifungu
cha 41.

8. Kifungu cha 41 cha Sheria Mama kinarekebishwa katika kifungu kidogo cha (1) kwa kuongeza aya mpya ya (e) mara baada ya aya ya (d) kama ifuatavyo:

“(e) ambaye anafanya kazi kama muunganishaji ikijumuisha benki, kadi za malipo, watoa huduma za malipo ya kielektroniki na watoa huduma za malipo wengine waliothibitishwa kwa mlipakodi”.

Marekebisho
ya kifungu
cha 62A.

9. Kifungu cha 62A cha Sheria Mama kinarekebishwa kwa:

- (a) kufuta neno “Kamishna” linalojitokeza katika kifungu kidogo cha (1) na kuweka badala yake maneno “mamlaka husika”;
- (b) kufuta kifungu kidogo cha (2); na
- (c) kukipa upya nambari kifungu kidogo cha (3) kuwa kifungu kidogo cha (2).



**SEHEMU YA TATU
MAREKEBISHO YA SHERIA YA KODI YA ONGEZEKO
LA THAMANI, NAM. 4 YA 1998**

Kusomwa. **10.** Sehemu hii itasomwa pamoja na Sheria ya Kodi ya Ongezeko la Thamani, Nam. 4 ya 1998, ambayo katika sehemu hii itajulikana kama “Sheria Mama”.

Marekebisho ya kifungu cha 16. **11.** Kifungu cha 16 cha Sheria Mama kinarekebishwa kwa:

- (a) kuongeza kifungu kidogo kipya cha (4) mara baada ya kifungu kidogo cha (3) kama ifuatavyo:

“(4) Bila ya kujali sharti jengine lolote la Sheria hii, mlipakodi aliyesajiliwa na Mamlaka ya Kukuza Uwekezaji Zanzibar anayetoa huduma za utalii au hoteli, hatakuwa na haki ya kupunguza kodi ya ununuzi inayotokana na upatikanaji au uingizaji wa huduma za ujenzi, vifaa vya ujenzi, ukarabati au uimarishaji wa bidhaa za mtaji, ikijumuisha jengo, vifaa vilivyofungwa, samani, vifaa au vyombo vya moto, endapo bidhaa hizo za mtaji zinatumika, au zinakusudiwa kutumika katika huduma za utalii zinazotowza kodi.”

- (b) kuvipa upya nambari vifungu vidogo vilivyobaki ipasavyo.

**SEHEMU YA NNE
MAREKEBISHO YA SHERIA YA USHURU WA STEMPU,
NAM. 7 YA 2017**

Kusomwa. **12.** Sehemu hii itasomwa pamoja na Sheria ya Ushuru wa Stempu, Nam. 7 ya 2017, ambayo katika sehemu hii itajulikana kama “Sheria Mama”.

Marekebisho ya kifungu cha 65. **13.** Kifungu cha 65 cha Sheria Mama kinarekebishwa kwa kufuta maneno “tarehe 31 Disemba ya kila mwaka” yaliyopo mwisho wa kifungu kidogo cha (2) na kuweka badala yake maneno “ifikapo miezi kumi na mbili kuanzia tarehe ya kutolewa”.

Marekebisho ya kifungu cha 77. **14.** Kifungu cha 77 cha Sheria Mama kinarekebishwa katika kifungu kidogo cha (3) kwa kufuta maneno “za usafiri wa kimataifa” yaliyopo mwisho wa aya ya (b).

**SEHEMU YA TANO
MAREKEBISHO YA SHERIA YA USHURU WA HOTELI,
NAM. 1 YA 1995**

Kusomwa. **15.** Sehemu hii itasomwa pamoja na Sheria ya Ushuru wa Hoteli, Nam. 1 ya 1995, ambayo katika sehemu hii itajulikana kama “Sheria Mama”.



Marekebisho
ya kifungu
cha 3.

16. Kifungu cha 3 cha Sheria Mama kinarekebishwa kwa:

- (a) kufuta kifungu kidogo cha (3); na
- (b) kukipa upya nambari kifungu kidogo cha (4) kuwa kifungu kidogo cha (3).

**SEHEMU YA SITA
MAREKEBISHO YA SHERIA YA USHURU WA BIDHAA,
NAM. 8 YA 2017**

Kusomwa.

17. Sehemu hii itasomwa pamoja na Sheria ya Ushuru wa Bidhaa, Nam. 8 ya 2017, ambayo katika sehemu hii itajulikana kama “Sheria Mama”.

Kufuta na
kuweka
badala yake
kifungu kipya
cha 18.

18. Sheria Mama inarekebishwa kwa kufuta kifungu cha 18 na kuweka badala yake kifungu kipya cha 18 kama ifuatavyo:

“Msamaha
kwa bidhaa
zilizokami-
lishwa
taratibu za
forodha
Tanzania
Bara.

18.-(1) Bidhaa zilizoingizwa na kukamilishiwa taratibu za forodha Tanzania Bara hazitatozwa ushuru pale zitakapohamishiwa kwa matumizi ya Zanzibar endapo kiwango cha ushuru wa bidhaa kilichotumika wakati wa uingizaji Tanzania Bara ni sawa au kikubwa kama kiwango kinachotumika Zanzibar.

(2) Endapo ushuru wa bidhaa unaotumika Zanzibar ni mkubwa kuliko kiwango kilichotumika Tanzania Bara, tofauti ya ushuru wa bidhaa itachukuliwa kuwa haijalipwa na itakusanywa wakati wa kuhamishwa kwa bidhaa kuingia Zanzibar.”.

**SEHEMU YA SABA
SHERIA YA MAFUNZO YA AMALI,
NAM. 8 YA 2006**

Kusomwa.

19. Sehemu hii itasomwa pamoja na Sheria ya Mafunzo ya Amali, Nam. 8 ya 2006, ambayo katika sehemu hii itajulikana kama “Sheria Mama”.

Marekebisho
ya kifungu
cha 27.

20. Kifungu cha 27 cha Sheria Mama kinarekebishwa katika kifungu kidogo cha (3) kwa kufuta maneno “asilimia nne” na kuweka badala yake maneno “asilimia tatu”.



SEHEMU YA NANE
MAREKEBISHO YA SHERIA YA FEDHA (USIMAMIZI WA
MAPATO YA UMMA), NAM. 9 YA 2015

Kusomwa.

21. Sehemu hii itasomwa pamoja na Sheria ya Fedha (Usimamizi wa Mapato ya Umma), Nam. 9 ya 2015, ambayo katika sehemu hii itajulikana kama “Sheria Mama”.

Marekebisho
ya kifungu
cha 20A

22. Kifungu cha 20A cha Sheria Mama kinarekebishwa katika kifungu kidogo cha (1) kwa kuongeza aya mpya ya (c) mara baada ya aya ya (b) kama ifuatavyo:

“(c) usambazaji wa vifaa saidizi, vifaa tiba au vifaa vyenginevyo vilivyotengenezwa maalumu kwa matumizi ya watu wenye ulemavu.”

SEHEMU YA TISA
MAREKEBISHO YA SHERIA YA UWEKEZAJI ZANZIBAR,
NAM. 10 YA 2023

Kusomwa.

23. Sehemu hii itasomwa pamoja na Sheria ya Uwekezaji Zanzibar, Nam. 10 ya 2023, ambayo katika sehemu hii itajulikana kama “Sheria Mama”.

Kuongeza
kifungu kipya
cha 26A.

24. Sheria Mama inarekebishwa kwa kuongeza kifungu kipya cha 26A mara baada ya kifungu cha 26 kama ifuatavyo:

“Matumizi
yasiyo
sahihi ya
msamaha
wa kodi.

26A.-(1) Mwekezaji ambaye amepewa msamaha wa kodi chini ya Sheria hii na akautumia visivyo sahihi msamaha huo, ametenda kosa, na akitiwa hatiani, atawajibika:

(a) kulipa kodi ambayo ingeweza kulipwa iwapo msamaha wa kodi usingetolewa; na

(b) kulipa adhabu ya asilimia hamsini ya kodi ambayo ingeweza kulipwa iwapo msamaha wa kodi usingetolewa.

(2) Kwa kuzingatia masharti ya kifungu kidogo cha (1) cha kifungu hiki, hakutakuwa na msamaha mwingine wa kodi utakaotolewa kwa mwekezaji huyo.”



**SEHEMU YA KUMI
MAREKEBISHO YA SHERIA YA AJIRA,
NAM. 11 YA 2005**

Kusomwa. **25.** Sehemu hii itasomwa pamoja na Sheria ya Ajira, Nam. 11 ya 2005, ambayo katika sehemu hii itajulikana kama “Sheria Mama”.

Marekebisho
ya kifungu
cha 83. **26.** Kifungu cha 83 cha Sheria Mama kinarekebishwa kwa kuongeza kifungu kidogo cha (5) mara baada ya kifungu kidogo cha (4) kama ifuatavyo:

“(5) Mwajiri atakayeshindwa kutoa nakala, marejesho na takwimu, ikiwa ni za vipindi au vyenginevyo za mikataba ya ajira, idadi ya wafanyakazi, viwango vya mishahara na masharti mengine yoyote ya utumishi yanayoathiri ajira hiyo, ametenda kosa, na akitiwa hatiani, atalipa faini isiyopungua Shilingi Milioni Moja au kifungu kisichopungua miezi mitatu au adhabu zote mbili faini na kifungu”.

UMEPITISHWA na Baraza la Wawakilishi la Zanzibar, tarehe 22 Juni, 2026.

(RAYA ISSA MSELLEM)

Katibu wa Baraza la Wawakilishi la Zanzibar.